



UNIVERSITÄTS-
BIBLIOTHEK
PADERBORN

Universitätsbibliothek Paderborn

MARTYROLOGIVM.|| DER Kirchenkalen=||der/

Canisius, Petrus

Dillingen, 1599

VD16 M 1284

20 b Eucherius Bischoff zũ Aurelia.

urn:nbn:de:hbz:466:1-41449

Februarius

Darumb sie dann gefenglich angenossen / sämmerlich
gepeiniget / mit eysenen Hacken angefasst / inn fewrige
flammen geworffen sein / vnd darbey Gott frölich lob vnd
danck gesagt haben.

b x. Calend. Martij.

Der XX. Tag im Hornung.

In Phencia bey der Statt Tyro / ist heut der tag
der heyligen Marterer / deren zahl allein **GOTT**
bewist / welche mit vilen / mancherley / grossen /
seltsamen peinen vnd martern bey der Statt Tyro ge-
tödt worden. Dann am ganken Leib sind sie mit glüen-
den Eysen zerissen / zum dritten mal für mancherley wil-
de Thier geworffen / vnd als sie durch Gottes krafft also
vnuerlest bliben / sind sie vnder einander enthauptet /
verbrennt / im Meer ertrunck / erstochen / hungers getödt
tet / an Galgen auffgehencet : haben also ihren starcken
Glauben bewisen / vnd die Marterkron herrlich empfan-
gen. Darbey sind gewesen die H. Bischoff Tyrannius /
Siluanus / Peleus vnd Linus / auch Zebonius der Prie-
ster / welche die obgemelten Schaar der frommen Christen
zur Marterkron angeraischet vnd behercht gemacht / auch
samt inen die selige Kron der Marter erworben haben.
Dann Tyrannius vnd Siluanus sind vonn wilden
Thieren zerissen / Peleus vnd Linus vom Feuer ver-
zehret / Zebonius aber mit andern vilen enthauptet wor-
den. Das alles geschah vnder dem blütdurstigen Kayser
Diocletiano / so zehen jar regteret / in einem jar aber wol
sibenzehen tausent Christen mit gewulichen peinen vnd
plagen

Merck
grausame
zehnjährige

chen peinen vnd plagen vmbbringen / see Tempel / Häuser vnd Wohnungen zerschlaiffen / vnd mit sampt ihren Büchern verbrennen ließ.

verfolgung
d Chriſten.

Item in der Inſel Cypren der heyligen Pothamij vnd Nemefij.

Item in hoch Teuſchland deß H. Prieſters vnd Beichtigers Galli / von welchem am 16. Weinmonats weyter.

Item in dem Flecken Sarchinio / da ſetzt die Statt S. Trudonis iſt / inn dem Kloſter S. Trudonis / die begräbnuß deß H. Eucherij / Biſchoffs zu Aurelia / der iſt von Carolo ins elend verſchickt worden: daß er aber vñ die Gerechtigkeith gelidten hab / bezeugen die vilſeltigen wunderwerck / ſo die Götlich gütigkeit durch ſeine heylige verdienſt geſchehen laßt.

Anno Dñi
723.

Item zu Cantana in Sicilia deß heyligen Biſchoffs Leonis / welcher ein vnſtreſſichs leben fährt / in der Lehr vnd Götſeligkeit fürtreſſich / vnd mit der krafft Gottes alſo bewaffnet / daß er den groſſen Zauberer Heliodorum zerſtört.

Item zu Dornach deß H. Biſchoffs vnd Beichtigers Eleutherij / welcher vmb deß Chriſtlichen Glaubens willen ins elend verſchickt ward / vnd die Statt Dornach mit ſeiner Lehr / predig / leben vnd wunderwerck zu rechter Götſeligkeit bekörte.

Item der heyligen berümbten Junckfrawen Eufrochij / der Edlen Römischen Witwen S. Paule Tochter. Sohe inn ihrer jugent mit ihrer Mütter vonn Rom / verlief vnd verachtet alle weltliche Frewd / durchwandert das heylig Land / dienet G. D. in einem Kloſter zu Bethlehem / het nach ihrer Mütter Tod mehr dann fünffzig Junckfrawen vñnder S. Jeronymi Regel zu
G iij regieren /

Februarius

Anno Dñi regieren/ ist voller tugent seligklich verschaiden/vñ wiebe
430. von S. Jeronymo vast gelobet.

e ix. Calend. Martij.

Der XXI. Tag im Hornung.

In Sicilia ist heut der tag der H. 79. Marterer /
welliche vnder dem Blütgirigen Kayser Diocle-
tiano mancherley vnerhörte marter gelidten / vnd
in irer Christlichen bekänntnuß starkmütig / die züberayte
Kron von Christo empfangen haben.

Item in der Statt Adrumeto in Africa / der H. Ve-
roli / Secundini / Seruuli / vnd anderer zweinsig.

Item zu Rom des H. Pappsts vnd Beichtigers Hila-
ris / welcher hernach am 10. tag Herbstmonats auch ge-
setzt wirdt. Auch des H. Pappsts Agathonis / der nach sei-
ner Eltern Tod / alle seine Güter auff einen tag vnder
die Armen auftheilet / ein Klosterlichs leben führet / tag
vnd nacht dem Gottseligen leben oblag / im Gebett gar
embfig / vnd in wunderzäichen fürtrefflich / daruñ er auch
Thaumaturgus gehaissen. Regieret die Kirch mit gros-
sem lob / als ein Apostolischer Mann / vñnd ein getrewer
Hirt der Schaafen Christi.

Item zu Mex der Geburtstag des H. Bischoffs vnd
Beichtigers Felix / welcher bey 40. jaren vnd 6. Monat /
seine Kirch nach dem willen Gottes mit grosser sorg vnd
embfigkeit regieret.

Item die begräbnuß des H. Bischoffs Eleutherii /
von welchem am nechsten tag hievor. Ruhet zu Tornaco
in der Thümbkirchen.

Item